

安陽縣志

安陽縣志

康熙三十二年纂修

二〇一一年九月安陽縣地方史
志辦公室據上海圖書館和天津
圖書館藏清康熙刊本影印原書
版框高二〇公分寬十四公分

敘

邑之有志也猶國

之有史也然史舉

其大綱志詳其餘

目則志又所以補

史之畧也今

天子重華大定文教覃
敷幅員之廣千古

未有

特諭禮臣纂修一統大

志鉅典煌煌猗歟
盛矣行見博採所
暨且遍宇內也矧
豫居九土之中爲
天下腹心山川人

物素甲於寰區顧
可因陋襲故以貽
缺畧之譏乎余因
編纂省志檄行八
郡一體續修而彰

郡之安陽獨無專
志豈以邑屬附郭

凡所應記者郡乘
悉爲之載耶不知
郡統諸邑僅志其

槩况攷郡乘之重
修今已三十餘年
其間風會變遷因
革損益多致散佚
無傳及今不輯則

愈遠愈失後欲微
信而無從且此三
十年中我

皇上生聚教養人民日

增土地日闢禮樂

休明教化翔洽又
何可不大書特書
以昭一代之盛哉
乃安邑馬令於簿
書期會之餘考文

徵獻旁搜博採紀
事纂言以應

令典可謂勤矣既而

具稿呈余併求爲

敘余惟安陽古相

地其川衍其地沃
民安耕鑿土尚詩
書先王之遺風猶
有存者邇來天災
流行物力耗敝井

疆具在而膏腴猶
昔乎室廬如故而
生齒相符乎陵谷
不變而風俗無恙
乎庠序猶是而人

材興起乎惟望司

牧者按厥成書見

諸行寧方域何以

奠城郭何以守戶

口何以蕃庶賦役

何以均平何以疏
河渠而水利永綿
何以興學校而英
賢輩出何以風示
節廉爲世道人心

之勸何以享祀祠
廟乞禦災捍患之
功早夜以思克共
厥職則是編也匪
特紙上空言直境